



**Nasjonalparkstyret
for Reinheimen**

Postadresse
Postboks 987
2604 LILLEHAMMER

Besøksadresse
Norsk Fjellsenter,
Brubakken 2, 2686 Lom
Norsk Tindesenter
Havnegata 2, 6300 Åndalsnes

Kontakt
Sentralbord: +47 61 26 60 00
Direkte: +47 61 26 62 05
fminpost@statsforvalteren.no
<http://www.nasjonalparkstyre.no/reinheimen>

Norsk Fjellfestival v/Solrun Sylte

Saksbehandler Mari Melbø Rødstøl

Vår ref. 2021/2919-2 432.3

Dykkar ref.

Dato 04.05.2021

Delegert vedtak - dispensasjon - Reinheimen NP - barmark - Trollveggen Triathlon - Trollstigplatået - Stabbeskaret - Norsk Fjellfestival

Med heimel i verneforskrift for Reinheimen nasjonalpark § 3 pkt 5.2 og verneforskrift for Trollstigen landskapsvernområde § 3 pkt 4.2, får Norsk Fjellfestival dispensasjon til å gjennomføre løpet Trollveggen Triathlon frå Trollstigen (Stigrøra) til Stabbeskaret i Reinheimen nasjonalpark.

Med heimel i verneforskrift for Reinheimen nasjonalpark § 3, pkt 1.3 bokstav f) og verneforskrift for Trollstigen landskapsvernområde § 3 pkt 1.3 bokstav k), får Norsk Fjellfestival dispensasjon til å merke stigen frå Trollstigen (Stigrøra) til Stabbeskaret med egne sperreband til løpet.

Dispensasjonen er gjeve med følgjande vilkår:

- Dispensasjon gjeld under arrangementet Trollveggen Triathlon for 2021 og 2022.
- Sperrebanda på bakken skal festast godt, slik at dei ikkje blir revet bort i sterk vind.
- Løypa kan merkast dagen før løpet, og sperrebanda skal fjernast umiddelbart etter løpet.
- Arrangøren skal sørge for at ein eller fleire personar har ansvar for å gå over løypetraseen, og plukke med seg søppel og rot rett etter at løpet er ferdig.
- Etter løpet skal arrangøren sende ein stutt skriftleg rapport om gjennomføringa av løpet, talet på deltakarar mm. til nasjonalparkstyret for Reinheimen: sfinpost@statsforvalteren.no
- Norsk Fjellfestival skal informere på arrangementet si heimeside at Trollveggen Triathlon foregår i Reinheimen nasjonalpark og Trollstigen landskapsvernområde og at det er særskilt viktig med sporlaus ferdsel i dette området.

Det vert gjort merksam på at arrangøren sjølv må skaffe nødvendig løyve frå grunneigar.

Klage

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.

Nasjonalpark	Reinheimen
Naturreservat	Brettingsmoen
Landskapsvernområde	Tafjorden-Reindalen, Trollstigen, Romsdalen, Lordalen, Finndalen, Ottadalen



Dokument i saka

Søknad frå Norsk fjellfestival, e-post 04.03.2021.

Saksopplysningar

Søknaden:

Arrangør Norsk Fjellfestival søker herved om tillatelse til at løpedelen i Trollveggen Triathlon kan, som tidligere år, legges til strekningen Trollstigplatået – Stabbeskaret.

Vi søker om tillatelse til at det løpes i fjellet og til å merke løypa med sperrebånd. Denne metoden har blitt benyttet til merking de siste årene. Sperrebånd er den eneste løsningen som ivaretar sikkerheten til deltakerne på en best mulig måte. Vi ber om å få sette ut merking dagene før løpet. Båndet blir lagt på bakken og festet med og rundt steiner.

Arrangementet har erfarne, voksne personer som tar ned sperrebåndet umiddelbart etter målgang. Samtlige utøvere gjøres også oppmerksom på at kasting av søppel i løypa medfører automatisk diskvalifikasjon. Det har tidligere år aldri blitt mottatt klage eller informasjon om at noe sperrebånd eller søppel er funnet i løypa. Det er også svært viktig for oss at vi fjerner alt.

Det kommer 200 deltagere fra hele landet og flere europeiske land. Norges Triathlonforbund kåret Trollveggen Triathlon til årets arrangement i 2017. Trollveggen Triathlon arrangeres for 12. året i 2021.



Kart som syner løypetraseen.

Søknaden er vurdert i samsvar med:

- Verneforskrift for Reinheimen nasjonalpark, 24. november 2006.
- Verneforskrift for Trollstigen landskapsvernområde, 24. november 2009.
- Naturmangfaldlova, 19. juni 2009 nr. 100.
- Forvaltningsplan for Reinheimen, mars 2010.



Heimelsgrunnlag Delegering

I medhald av vedtekter for Reinheimen nasjonalparkstyre punkt 6.2, jf. naturmangfaldlova § 62 andre ledd tredje punktum, har Nasjonalparkstyret for Reinheimen i styremøte 14.03.2016, sak 5/16, gjort vedtak om å delegerer handsaming av einskilde saker til nasjonalparkforvaltaren, slik som i denne saka. Vedtaket gjev nasjonalparkforvaltarane i Reinheimen myndigheit til å treffe vedtak i saker av kurant karakter. Med saker av kurant karakter meiner ein følgjande:

- Saker etter dei spesifiserte dispensasjonsføresegnene i verneforskriftene om ferdsl og motorferdsl.
- Saker etter andre spesifiserte dispensasjonsføresegner i verneforskriftene og etter naturmangfaldlova § 48 der:
 - a) Det dreier seg om fornying av dispensasjon gjeve av styret eller arbeidsutvalet, og føresetnadene er tilnærma uendra.
 - b) Det føreligg etablert forvaltningspraksis frå saker handsama av styret/AU i tilsvarande sak.
 - c) Forvaltningsplanen gjev eintydige føringar for utfallet.

Verneformål – forskrift

Formålet med Reinheimen nasjonalpark er å ta vare på eit stort, samanhengande naturområde, og i tillegg landskapsformer og geologiske lokalitetar.

I verneforskrift for Reinheimen nasjonalpark § 3, pkt 5.2. og verneforskrift for Trollstigen landskapsvernområde § 3 pkt 4.2 om organisert ferdsl, står det at *«Reglane i denne forskrifta er ikkje til hinder for organisert turverksemd til fots så lenge naturmiljøet ikkje blir skadelidande. Anna organisert ferdsl og ferdslsformer som kan skade naturmiljøet må ha særskilt løyve av forvaltningsstyresmakta, jf. forvaltningsplanen.»*

Reinheimen nasjonalpark: Forvaltningsstyresmakta kan gje løyve til *«Oppsetting av skilt og merking av stiar i medhald av forvaltningsplanen.»*, jf. § 3, pkt 1.3 bokstav f).

Trollstigen landskapsvernområde: Forvaltningsstyresmakta kan gje løyve til *«Opparbeiding og merking av nye turstiar og løyper.»* jf. § 3, pkt 1.3 bokstav k).

Forvaltningsplan

I forvaltningsplan for Reinheimen s. 42 står det følgjande om organisert ferdsl:

«Organisert ferdsl er ferdsl der person, lag, firma eller liknande planlegg, koordinerer eller arrangerer turen, og det er tale om verksemd med grupper av deltakarar, ein aktivitet som blir gjenteke eller der aktiviteten er kunngjort på førehand. Utsetting av postar for turorientering, topptrim, trimpostar og liknande innafor nasjonalparken kjem også inn under organisert ferdsl. Det er søknadsplikt for anna organisert ferdsl og ferdslsformer som kan skade naturmiljøet. ... I dag er ferdsla i området avgrensa, slik at organisert ferdsl generelt ikkje er eit trugsmål for naturmiljøet. Organisert ferdsl som ikkje skadar naturmiljøet er derfor ikkje søknadspliktig, men utviklinga må følgjast nøye slik at ferdsla ikkje blir til skade for verneformålet.»



Norsk Fjellfestival er i forvaltningsplanen omtalt under tema reiseliv i Trollstigen landskapsvernområde: *Norsk Fjellfestival på Åndalsnes, som blir arrangert tidleg i juli kvart år, har organiserte turar og aktivitet innafør verneområdet.*

Vurdering

Søknaden er ei fornying av dispensasjon for 2018-2019, i sak 2018/772 i nasjonalparkstyret for Reinheimen 09.03.2018. Løpedelen og løypetraseen er lagt frå Stigrøra på Trollstigplatået langs eksisterande turstig til Stabbeskaret, der den byrjar i Trollstigen Ivo og endar i Reinheimen NP.

Dette er eit godt etablert turløypearrangement med seriøse aktørar og eit godt apparat med frivillige som deltar i førebuing og opprydding. Ifylgje arrangør har dei aldri tidlegare mottatt klage eller informasjon om forsøpling i løypa.

Tiltaket må vurderast mot naturmangfaldlovas §§ 8-12, jf. § 7. Kunnskapsgrunnlaget (§ 8) er godt dokumentert gjennom naturbase. Det er god oversikt over kva som kan påverke landskap, økosystem, naturtypar og artar. Arrangementet foregår i ei populær turløpe og vil kun skape forbigåande forstyrning på naturen i området. Det er ikkje nødvendig å ta i bruk § 9 «føre-var-prinsippet».

§ 10 Økosystemtilnærming og samla belastning

Tiltaket det er søkt om har eit avgrensa omfang. Løpet skal gjennomførast i løpet av ein dag, og både tilrettelegging og uro vil vera stuttvarig og forbigåande. Med dei vilkåra som er sett er samla belastning av arrangementet og mogleg framtidig aktivitet akseptabel.

§ 11 Kostnadene ved miljøforringing skal berast av tiltakshavar.

§ 12 Miljøforsvarlege teknikkar og driftsmetodar.

Trollveggen Triathlon er eit stort arrangement i nasjonalparken og ein må difor ha særleg fokus på avfallshandtering og terrengslitasje, jf Nml §§ 11, 12.

For å avbøte på eventuelle ulemper for verneverdiane skal det setjast vilkår om avfallshandtering og opprydding etter arrangementet, der arrangør er ansvarleg for fjerning av merkeband og rydding av søppel.

Det er viktig med ein kontinuerleg dialog mellom nasjonalparkforvaltning og arrangør. I besøksstrategien for Reinheimen er det eit mål å auke forståinga for vernet og opplyse om verneområdet. Det er difor eit vilkår om at Norsk fjellfestival skal opplyse deltakarane på nettsida og i andre kanalar, at løpet går gjennom både Trollstigen Ivo og i Reinheimen NP. Ein kan nytte dette til å oppfordre til ekstra varsom atferd.

Ei samla vurdering tilseier at gjennomføring av løpet «Trollveggen Triathlon ikkje vil påverke verneverdiane nemneverdig eller vera i strid mot verneformålet. Tiltaket er tidsavgrensa til ein dag og uro i verneområdet er stuttvarig og forbigåande.

Med helsing

Mari Melbø Rødstøl
nasjonalparkforvaltar



Etter våre rutinar er dette brevet godkjent og sendt utan underskrift

Kopi til:

Kristine Sørli

Rauma kommune

Statens naturoppsyn v/Thomas Rødstøl

Statens Naturoppsyn v/Per Olav Haugen

Statsforvaltaren i Møre og Romsdal

Statsforvalteren i Innlandet

Vollan 8A

6300

ÅNDALSNES

Postboks 2520

6404

MOLDE

Postboks 987

2604

LILLEHAMMER